

栢鄉縣志卷第四

繼授文林郎知栢鄉縣事長興鍾賡華輯

墓域

凡邦墓之地域墓大夫掌之禮之逮於幽泉者自古有然夫華屋山邱斯人不作憑弔

有今昔之慨焉且過墟墓而生哀

之心未必不由茲興

足

尚

漢

馮唐墓在城北三十里舖與州界毘連

合肥侯堅鐔墓在縣北二十里鄆城西南舊志今

村有管姓者相傳是其後以避隋文帝諱改爲管

漢書鐔爲潁川襄陽人不知墓何以在此

本朝李志訪謁堅鐔

墓詩間過原野問荒邱父老爭傳瘞故侯昔向雲臺題姓氏今隨石馬伴
松楸瘞埋收塚功名盡土掩殘碑事業休弔罷英魂腸欲斷不堪猿鶴眠
清秋趙修詩合肥遺塚淡烟收一帶殘陽滿目愁共道昆陽勇略暗翻從
坏土識公侯山猿度雨啼長夜石馬嘶風怨暮秋英烈而今何處葬黃邱

蕭索阿

沙鷗

魏

鄆厲王墓在縣東十里南滑村址大數畝高數丈碑

無存

明褚宦鄆厲王墓詩嵯峨高塚過山崗埋玉傳聞葬厲王不見豐碑題姓氏祇餘宿草牧羊牛北朝有國分茅土南面無人奠酒漿

華表石麟俱泯沒

邦人歲歲作重陽

金

轉運使焦旭墓在縣南二十里南魯村

范陽李嗣周轉運使焦公墓銘遐思

焦祖積德而昌爰及於公門戶益光文章冠卓藹然擅場鯁直夙著奸邪歛藏隨寓施為公平其政利澤覃及民樂歌頌公之孝友出於天性小人覓族讒毀交競公獨怡然弗渝志行祿俸推及族沾餘慶名著將來永與天並

元

武威郡侯賈諒墓揚州路總管賈廷瑞之父在縣南

十三里駐駕村學士吳澄撰碑

趙郡侯董元墓在縣東十二里北滑村

翰林學士張養浩董氏先塋碑銘

福與德兩有孔艱德崇惟人福天所關德苟崇矣福斯同矣謂天人殊影響從矣於乎董氏代有陰騭于前弗昭絜殺之吉金季雲擾盜起蝟如民命毫芒遑恤室家惟公屹然底柱弗動有闢其疆隨意博縱用是百里莫枕胥安微公之英幾何不殘計茲所活奚千億膏厥報有歸亦勢必至譬彼農者穠蓂必年力如不周獲亦靡堅宜有桐孫由儒而奮源濟隆隆臺閣增峻左向為職士恒勿肩井才精強則殆以顛於焉技換它可坐治欲觀人能莫的于是矧厥於進川至木灌台袞之膺伊邇匪遐洪惟國經酬庸以爵二代疏封可曰殊渥子焉克孝臣焉克忠宜先之靈覆露厥躬渟水之陽厥佳城許何以墳之銘此石語

故栢鄉令馮安墓在正元里西南原

正定崔迪馮君墓碑銘天姿豪邁武勇桓桓

取富貴起家不●山事戎行爲士卒先堅陳名城枯株彈丸入而撫民恩
遺悍饑衣之食之飽飢煖寒民悲其亡泣涕潛然故居盤盤西南其原松
楸孔碩宅兆孔安子
孫承祀百千斯年

清河郡侯張瑾墓在縣西二里

奎章閣學士張公神道碑銘伊
昔栢鄉民庶且多逢時多艱日

尋干戈廼有豪傑起爲之長以撫以綏以休以養大兵之來大將孔仁卽
審所歸有社有民或長或佐旣歷三世鄉里德之子孫多貴天鑒孔昭俾
爾遐祉旣壽而康是生賢子其子伊何克大厥家澤及存後班爵是加槐
水之東壠務之麓慶流後昆爲趙望族濟上蘄陽公平正大累葉功名方
來未艾栢鄉之墟馬鬣之
封孰有賢子著茲休功

蘄州路總管張居敬墓在縣東北十里張村翁仲尚
存

中書左司郎中趙守禮墓在縣北二十里鄆城西石

獸尚存

忠顯校尉趙或墓在縣北十里龍華村

宋楷忠顯校尉趙公碑銘維晉勲裔

世居於趙前猷往績建公克紹皇元耆武億萬虎賁公際風雲荷戈前奔駿功皇爾瀕危九存寵錫兵符有赫其采風夜翊衛逾三十載致身忘勞患生銀海家嗣承乏細柳愉怡衣桑膳甘覬底耆頤俄仆於京八袞依稀子克孝諄諄以語撫而為銘訓爾後人世此家聲毋替忠貞

明

贈僉都御史魏巖墓在城西南路村

保定巡撫李仁魏公墓銘魏起唐世肇自文貞

承家鉅鹿以赫厥聲綿綿奕奕衍於栢人由宋迄元或顯或屯入於我明厥宗彌耀壽以儒庸澄齋載嗣子述父作義易益崇賈而不售退發羣蒙臯比巍然左書右圖青袍環侍以範以模孰貪而黷孰傲就蹶廸我嗣人鑒彼禱祀視沒以存視暗以明鄉稱孝義友服潔清類風力固古道則有孰斯澄齋以不官守維公有仲為柱下史弼主之臣元宗之子辟離泮水冠綉蟬聯考於嗣續益證公賢載啟高原維公是宅祠以元嬪宛其雙璧

栢人南望鬱鬱松楸
懼迷厥初銘以昭幽

兵部右侍郎贈右都御史魏謙吉墓在城西南路村

天學士袁燁魏公墓銘桓桓魏公邦家之光穎脫魏科爲圭爲璋筮仕柱
史肅將風紀繼陟廷平刑清訟理維帝曰忠愛命司戎出撫邊檄累奏膚
功乃名還京俾貳司馬倚毘方殷胡天不假如驥中蹶如鳳銀翰
公業未竟公名則傳有崇者阡埋玉伊始我銘不磷垂千萬禩

兵部職方司郎中贈光祿寺少卿張主敬墓在城南

小里村

高邑趙南星張公墓銘乾剛坤直篤生賢哲幼心不童匪澤而
潔踐雷心矩艱險不跌成孝忘生事國盡節世貴所難在公非

德菲已厚民矜于赤舌慕畫折醜佩之以玦蠶績而烹蜉蝣錦綴異哉速
化厭世氛濁警諸仕者見幾而作帝或召之授以仙爵聰明維天必非妄
奪誰能告之解我結綯誰起張公
紆我灼怛謂公正人則靡攸作

宮保戶部尚書呂兆熊墓在城北古鄆城西北

山西道御史魏純粹墓在城東北二里

大學士孫承宗魏公墓銘貌凝若而

不矜也操稜若而不馮也識登若而不榮也量宏若而不拒也秦刀騁若而不矜也刺事犁然而不騰也嗚呼是能以經綸大畧字邑蒸而未得以邑政爲經綸令君安而國寧者耶其後代與其繹子銘

河南許州知州呂國楨墓在城西南路村村後

陝西按察司副使趙惟卿墓在城東孫村

吏部尚書梁應龍趙公墓銘連

城兵與趙之良懷珍握秀起翺翺邊壽帑算總經術宣猷底績何輝煌驚兮紫蓋與金章卷分岸幘而兕觥千古升沉消一酌誰夷誰蹈誰亡羊宿草萋萋臨大荒豐碑吼吼挹穹蒼大陸文伯光先哲他年信史悲懷堂

克東道忝議路一麟墓在城東北二里

濮州知州馮鐘墓在城東南施莊村本州志學士郭

盤撰碑

本朝

太子太傅保和殿大學士諡文毅魏裔介墓在城西

南路村

乾隆二年四月二十二日

賜原任太子太傅保和殿大學

士兼禮部尚書加贈太子太傅諡文毅魏裔介碑文朕惟國家

立綱陳紀必有端亮之臣贊襄輔弼懋佐鴻猷用克勲著巖廊名標史牒
褒崇優渥典禮攸宜爾魏裔介天姿耿直學問深醇初拔職於詞垣旋騰
聲於給諫讜言頻上皆關國計民生正論時陳要在褒忠勸學擢君憲長
益勵風裁遂登鼎鼐之司允稱鹽梅之任年未耆而引退清範長垂學至
耄而彌純嘉言丕著既酌庸於祀典更追錫以隆名表厥生平諡爲文毅
於戲寔謬良臣端屬熙朝之梁棟老成碩輔卓爲庶尹之儀型膺茲寵渥
不亦
休歟

廣東潮州府知府魏樹楷祥墓在城西南三里

江南桃源縣知縣魏裔訥墓在城西南里許

陝西平涼府知府魏裔懋墓在城西南三里許

廣西潯州府同知魏懋墓在城西南三里許

橋梁

地當孔服往來有望洋之嘆非利濟之道也
槐陽水源出太行東麓每當夏秋霖潦之時
閩闔泛溢甚或浹旬輿梁徒杠民不病涉君
子於以觀政焉其建葺烏可以不紀誌橋梁

恒南第一橋在南門外明正德九年知縣任奭建易

名濟涉橋

明趙錦恒南第一橋記邑廂之陽有水一泓蓋南北槐午二水之所瀉也近者山水泛漲下流壅塞故自西北溢流

於此道路衝陷經行阻滯任公引爲已辜召耆老路資輩謀之乃首捐已俸區處規畫鳩工採石刻期而就經始於甲戌之二月落成於是年之六月也請余記之余名之曰濟涉蓋濟者渡也賢侯渡民於溺流之中躋民於康衢之上名之以此豈溢美哉

本朝雍正

七年知縣楊瑄重修

楊瑄自記輿稽往制畫疆分邑築厥垣浚厥渠以衛其人民捍其庾廩所繫甚重也

故渠之利濟則惟梁是賴梁有木有石而石之程功也較難其歷時也爲最久要不能必歷世之不散焉是有藉於繼起者之維持於罔替矣余自昨歲奉命蒞茲邑雖曰彈丸實南北之吭也每以逆來送往出入迎薰門者僕數不可紀覽其梁石齧敝已甚卽未病涉而馳驅周道者率懷敗輪損足之憂獨是邑務繁劇百廢待興心徒耿耿弗遑釋也今春杪邑紳士暨鄉耆詣余而請新之傾貲囊者若而人效督理者若而人共殫心力閱兩月而竣成功余不禁嘉邑人士爲義者勇而克襄余躬之不逮也用是載筆誌石姓氏詳刻碑陰以告夫嗣是之振衰舉廢者先事而裕其成謀乘時而厲其銳志爾我忘形上下一體俾兆人鮮顛覆之虞王道徵蕩平之盛焉則余今日瑣瑣之數言固非徒目前悠悠之浮譽也是爲記

乾隆三十二年知縣鍾慶華領帑重修

通濟橋在南關外明萬歷十五年知縣李大化重修

明張延庭通濟橋記昔歲甲戌予分栢人符深以才微學製俛俛乎靡所適從時則有楚侗耿先生之至於斯也予請見而問焉先生曰子知爾之

知是邑也何居予未有以對也先生曰三階綠綬半尺青綸疇非王臣乃郡邑守若令獨以知名蓋義重於知也府知在府州知在州縣知在縣故錢穀有一弗知則蠹生獄訟有一弗知則冤集禮制有一弗知則事敝橋梁陴隍道路有一弗知則泊隳郡與邑一也故縣以知名爾其無負哉予始幡然悟怍然省夙夜殫厥心力七載以來繕城郭飭學校疏槐午新館宇崇文教考邑乘百里之政厯厯幾而理焉邑四門故有橋其在西北者圯壤獨先稍爲修葺可通徒輿今用之其在南郭外者工巨而用廣時詘未可舉羸因循歲月竟未就也予歆然久之自庚辰叨轉而南每詢諸邑人之南者僉曰橋猶故而圯傾目甚矣越六載予叨轉而北則時時過栢人蓋覩斯橋而顏甲矣越明年萬歷丁亥夏邑侯李君至慨然新之於是輸貲者邑之庶士魏君大平等鄉民揚萬糧等金穀各若干督工則有李棄琴等十數人籌畫當而費有經傭鳩速而工易就不踰歲予再履其地則龍蟠鰲負霞矯虹飛翼翼言言商賈往來胥願出途而誦聲作橋之餘復建坊通衢以壯國門之觀題曰登科坊數千年遺墟頓新李侯之造福於民豈淺渺哉於是鄉之庶士若民樂大工之有成皆歸美於侯以予與侯曾先後茲地者遂請予言以紀時日子不克辭因嘆事之廢舉有時人之遭逢有數乃茲橋爲予夙昔墜緒而今適睹厥成得非幸歟侯名大化字時熙號省衷吾鄉濟寧人爲人惻惻無城府予庶幾近之乃識趨高明

力肩宏鉅清徭減賦興廢補偏建栢人無
疆之業則區區當退三舍避之矣是爲記

本朝順治十四年

知縣董柴愚新之復於左右建橋二以殺水勢虹

橋秋漲爲槐陽一景

魏裔訥通濟橋記栢邑爲諸省咽喉車馬冠蓋絡繹於塗曰無寧鼻藉之縣誌有槐

午二河高邑之沛河不與焉槐水在縣西北五里源於贊皇黃沙嶺而午
河則在縣西十里源於臨城諸山下合槐水每夏秋霖潦闔閭以外幾可
盪舟數十年來邑無水患城北左海張公祠南雖舊有石橋漸壅闕而其
自西北來入城下石橋迤東而去者沛河是也自壬辰後頻年水溢槐午
泛漲向之所謂黃壤者半成沮洳而朝宗孔道渚水至數尺不可行甚有
遭溺而歿者邑侯重公愀然憂之乃于暇日馬上觀覽隄防疏濬有慨于
中旋呼耆老孫學善楊時琦陳冬榮等指授大意俾令拮据首出俸銀爲
衆倡于是人心感悅捐貲共百五十餘千助工鄉民亦鑿鼓不煩共趨厥
事輦土爲路約三里許寬二丈高逾三尺又庀石代木爲橋梁二以殺水
勢途經於此者勿論士民商旅以及皇華之使實遊之侶僉以爲便它日
卽有洪波諒無復疇昔望洋之歎矣嗟乎天下事顧人爲何如耳市之人
龍門可繫大河可決雖開非常之原犯黎民之懼而不卹彼誠飢溺由已

之心有迫於中而爲之者也今一行作吏簿書期會而外漠然若與已無涉焉又安望其有利必興有害必剔哉若董侯者可謂存心利濟毅然有爲者矣抑余嘗考之五代史晉周德威拒梁栢鄉五里營於野河之北有彼若造橋薄於我我衆立盡等語所謂野河者或卽槐水今昔異稱耶抑或古之水更澎湃於今未可知也因論而並及之總以見董侯之功不可泯耳是役也經始於丁酉仲春落成於是年孟夏二尹朱公諱元杰四尹李公諱顯宗者均有力焉邑紳士不忍沒侯之善鏤之貞珉永垂不朽徵余言以記余遂述其巔末且以名其橋曰通濟聊志歲月非所謂文也本朝馮志昭虹橋秋漲詩名邦關鎖此稱雄帝閣凌霄嵌碧空梵剎金鋪分鼎足飛廊水載駕雙虹震天一色秋濤外烟雨千村落照中東北神京扼要路車書一統奕時同魏文毅詩槐驛愁聞班馬鳴垂虹蜿蜒傍新晴旗亭載酒春郊別坵上懷人明月橫近水稻梁足雁鶩排青山色入軒楹釣車不向桐江去欲對盈盈水一泓

通國橋在北門外明嘉靖四年知縣高舉建

明馮健通國橋記栢

鄉當南北之衝爲諸藩之會治西有二水曰槐水午河槐水雖地中行而舊溝與橋狹不能容午河則夷於淤淖矣每遇霖潦閘闌外濫爲水國邑

之人輸租稅走會期適市廛以及出途之旅觀光之賓皇華之使望洋興歎者動以浹旬蓋二水出太行之東麓霖潦下注勢則然也嘉靖甲申秋皇上入承大統三年矣孝思不忘乃遣重臣往荆襄潛邸奉迎興獻神主值潦水澎湃騰揭無功急則渡人膏魚鱉之腹緩則使臣稽星火之命守土者錯愕驚惶莫知所措乃強取匏篋爰爰焉履險犯患徼倖以濟時則縣令高侯承撫按命首捐俸資以率邑人衆心感激輸工助傭爭先而鳩工伐石則鄉耆張揆輩與有力焉橋旣成名以通國經始於乙酉之春落成於次年之冬不待督責而大功就非忠愛動人之誠能有是耶竊悲夫士君子得志於時期會簿書以取津要則有之其視民之墊溺由已而汲汲利濟爲心者何人哉若高侯可謂知所先務矣可以例見其行政之仁矣邑紳士感侯之德不忍沒其善相與釀金礪石以庠生王子盤嘗從余遊強命爲之記義不能辭載其歲月以傳永久

本朝雍正

正六年知縣楊瑄重修

節錄魏乾數重修邇國橋碑記栢邑治南有午河一治北有槐溝河二邇因故

道雍塞蒙觀察黃大憲牌飭四縣按界挑濬其午河在治南者春初挑築俾由故道泡水張路等村入南關之通濟橋東歸大陸已無泛溢其槐溝二河之在治北者概自高邑來入邑之內步馬村經北郭外槐水橋東其支流亦入通國橋下沛水亦自高邑來由邑之白樓上耕等村經槐